

parti apicali venae brachialis parallela nigricante; femoribus nigro-punctatis, tibiis nigro-spinulosis et nigro-punctatis, basi plerumque fusca. Long. ♂  $3\frac{3}{4}$  —  $4\frac{1}{2}$ , ♀  $3\frac{1}{4}$  —  $4\frac{1}{4}$  mm.

*Syn.*: *Plagiognathus alpinus* REUT., Gen. Cim. Eur. p. 56!

*Hab.* in *Mentha*: Gallia (Landes!), DD. PERRIS et PUTON, Tyrolia!, DD. GREDLER \*) et PALMÉN; Turkestan!, D. FEDTSCHENKO.

*Descr.*: *Pl. viridulo* FALL. similis, colore magis in glauco-virescentem vergente, maris et feminae consimili, corpore supra etiam pubescentia albida vel dilutissime aurea inter pilas nigras semierectas mixta, antennis tantum articulo primo intus atomis minutis duobus membranaque aliter signata divergens. Etiam *Psallo diluto* (MEY.) FIEB. primo intuitu similis videtur, differt autem structura capitis, oculis laevioribus tarsorumque posticorum articulo ultimo secundo distincte brevior. Corpus oblongum (♂) vel sub-ellipticum (♀), in vita smaragdinum, post mortem dilute glauco-virescens et saepe pallescens, supra nigro-pilosum subtiliusque adpressim albido- vel interdum dilutissime fere aureo-pubescentem, subtus virescens, subtilius pallido-pubescentem. Caput transversum, dimidio margine postico pronoti plerumque paulo latius, loris concoloribus, dilute glauco-virescens vel pallescens, vertice oculo fere duplo (♂) vel paulo magis quam duplo latiore. Oculi fusci vel plumbei, sub-laeves. Rostrum coxas posticas attingens, testaceum, basi pallide virescens, apice nigro-piceum. Antennae corpore cum hemelytris circiter  $\frac{1}{3}$  breviores, testacei, articulo primo tantum intus ante apicem atomis duobus minutis fusco-nigris, setiferis, cetero innotato, secundo toto concolore latitudini pronoti basali longitudine aequali (♂) vel sub-aequali (♀), duobus ultimis simul sumtis paulo brevior, maris lineariter incrassato, feminae graciliore, apicem versus nonnihil crassiore, articulo quarto tertio circiter  $\frac{2}{5}$  —  $\frac{1}{3}$  brevior. Pronotum dilute glauco-virescens, saepe pallescens, basi longitudine duplo latius. Scutellum pallide glauco-virescens. Hemelytra dilute glauco-virescentia vel pallida, fere albicanti-virescentia, unicolora; membrana dilute fumata vel fere hyalina, venis albidis, areolis levissime flavescentibus, majore apicem versus minoreque tota infuscatis, raro fere totis pellucidis, macula ad apicem cunei hyalina postice fusciscenti-terminata, striola ad partem apicalem venae brachialis huic parallela nigricante. Pectus saepe pallescens. Abdomen virescens, dorso nigricans, marginibus segmentorum pallidis. Pedes albido-testacei vel nonnihil virescentes, femoribus supra ad apicem vage fusco-nigro-punctatis, femoribus anticis subtus seriebus tribus, duabus marginalibus unaque media, atomorum nigro-fuscorum, posticis feminae quam maris fortius incrassatis utriusque sexus apice punctis tribus-quatuor majoribus oblique positis aliisque minutis conspersis, ad basin usque maculis magis minusve indeterminatis fusco-atomosis in series duas positas signatis; tibiis spinulis nigris e punctis sat magnis nigris nascentibus, tibiis anterioribus apicem versus impunctatis; tarsis testaceis, articulo ultimo fusco.

### 3. *Plagiognathus fusciloris* REUT.

*Diagnosis*: Sordide et pallide albido- vel fere glauco-virescens, supra nigro-pilosus, pilis nigris fragilibus, subtus pallido-pubescentem; capite apice clypei

\*) A D:re GREDLER in Rhynch. Tirolensia p. 98 ut *Pl. viridulus* FALL., enumeratus.